

OKRUŽNO JAVNO TUŽILAŠTVO PRIJEDOR

Broj: A-482/19

Dana: 21.02.2020.godine

Na osnovu Člana 8. stav 2. Zakona o javnim tužilaštvima („Sl.glasnik Republike Srpske“ broj: 69/16) , te na osnovu odredbe člana 100. stav 3. Zakona o javnim nabavkama Bosne i Hercegovine („Službeni glasnik BiH“, broj: 39/14), rješavajući po žalbi ponuđača „INTER-COM“ d.o.o.Zenica, izjavljenoj na Odluku o izboru najpovoljnijeg ponuđača, broj A-482/19 od 04.02.2020.godine, a u skladu sa članom 69.stav 2. tačka d) i članom 70. stav 1., 4. i 6. Zakona o javnim nabavkama („Sl. Glasnik BiH“, broj 39/14), u otvorenom postupku javne nabavke opremanja poslovnih prostorija – kancelarijski namještaj, Glavni okružni javni tužilac, donosi

ODLUKU

I

Usvaja se žalba ponuđača INTER-COM d.o.o. Zenica na Odluku o izboru najpovoljnijeg ponuđača broj A-482/19 od 04.02.2020.godine.

II

Poništava se otvoreni postupak javne nabavke - opremanje poslovnih prostorija - kancelarijski namještaj, broj A-482/19, objavljen na Portalu javnih nabavki BiH dana 30.12.2019.godine, broj Obavještenja o nabavci 16401-1-1-13-3-3/19.

III

Ova Odluka će biti objavljena na internet stranici: ot-prijedor.pravosudje.ba (Čl. 70 st. 6 „Sl.glasnik BiH“ br.39/14), i dostavljena svim učesnicima u predmetnom postupku javne nabavke (Čl. 71.st.2. Sl.glasnik BiH“ broj 39/14).

Obrazloženje

Odlukom, broj A-482/19 od dana 16.12.2019.godine, pokrenut je otvoreni postupak javne nabavke opremanja poslovnih prostorija – kancelarijski namještaj, JRJN 39130000-2, procijenjene vrijednosti 130.770,00 KM bez PDV-a.

Dana 30.12.2019.godine, ugovorni organ je objavio tendersku dokumentaciju na Portalu javnih nabavki BiH, broj obavještenja o nabavci 16401-1-1-13-3-3/19, te dostavio sažetak istog Službenom listu BiH radi objave.

U toku postupka zaprimljene su dvije ponude: ponuda ponuđača „INTER-COM“ d.o.o. Zenica i ponuda ponuđača „GAVRANOVIĆ“ d.o.o. Prijedor. Po zaprimljenim ponudama, Komisija za javnu nabavku opremanja poslovnih prostorija – kancelarijski namještaj je izvršila pregled i ocjenu ponuda te dostavila Zaključak, broj A-482/19 od 28.01.2020.godine kojim daje prijedlog ovlaštenom licu ugovornog organa o donošenju odluke o izboru ponuđača „GAVRANOVIĆ“ d.o.o. Prijedor kao najpovoljnijeg ponuđača.

Odlukom, broj A-482/19 od dana 04.02.2020.godine, prihvaćen je prijedlog Komisije, te je za najpovoljnijeg ponuđača u otvorenom postupku javne nabavke opremanje poslovnih prostorija – kancelarijski namještaj izabran „GAVRANOVIĆ“ d.o.o. Prijedor, kao ponuđač koji je dostavio jedinu prihvatljivu ponudu sa najnižom cijenom i navedenom ponuđaču je dodijeljen ugovor o nabavci robe za ukupnu ponuđenu cijenu od 152.006,40 KM (sa PDV-om).

Istom Odlukom ponuda ponuđača „INTER-COM“ d.o.o. Zenica odbačena je kao ponuda koja nije potpuna i ne ispunjava zahtjeve iz tenderske dokumentacije.

U zakonskom roku zaprimljena je Žalba ponuđača „INTER-COM“ d.o.o. Zenica (nakon uvida istog u ponudu i uzorke izabranog ponuđača dana 12.02.2020.godine, a po osnovu Zahtjeva br. 10-02-2020-E od 10.02.2020.godine) na Odluku o izboru smatrajući da je ponuda odabranog ponuđača neprihvatljiva, da je ugovorni organ prilikom odlučivanja bio pristrasan i da nisu u pravoj mjeri primjenjena osnovna načela i ciljevi Zakona o javnim nabavkama BiH, shodno čemu predlaže ugovornom organu da žalbu uvaži kao osnovanu, poništi osporenu odluku, te postupak vrati u fazu ponovnog pokretanja.

Postupajući po Žalbi, ponovo se izvršio uvid u ponudu ponuđača „GAVRANOVIĆ“ d.o.o., te u skladu sa žalbenim navodima konstatovano sljedeće:

1. U vezi prigovora da ponuđač „Gavranović“ d.o.o. nije ispunio zahtjev iz tačke 3. 5. a) tenderske dokumentacije, odnosno da u spisak izvršenih ugovora nije dostavio potvrde koje su izdali primaoci robe, odnosno ukoliko se takva potvrda iz objektivnih razloga ne može dobiti od ugovorne strane, umjesto iste se treba dostaviti izjava ponuđača o uredno izvršenim ugovorima uz predočenim dokazima o učinjenim pokušajima da se takve potvrde obezbijede, Konstatuje se da je ponuđač „Gavranović“ dostavio dva ugovora, da je dostavio samo jednu potvrdu, dok drugu potvrdu nije dostavio, a u izjavi koju je u vezi toga dostavio, navodi da potvrdu nije mogao pribaviti zbog praznika, ali nema dokaza o učinjenom pokušaju da se takva potvrda obezbijedi.

Takođe konstatuje se da u spisku izvršenih ugovora nisu navedeni ugovori koje je ponuđač „Gavranović“ priložio.

2. U vezi prigovora da ponuđač „Gavranović“ nije ispunio uslove tenderske dokumentacije iz tačke 3. 5. b), odnosno da ne posjeduje traženi certifikat, te da vezano za izvještaj o testovima uz iste nije dostavljena izjava, a koja je trežena tenderskom dokumentacijom, ovaj prigovor se smatra osnovanim, odnosno konstatovano je da ponuđač „Gavranović“ nije dostavio ove izjave, a što je traženo tenderskom dokumentacijom.

Ostali žalbeni navodi žalioaca se ne smatraju osnovanim.

Utvrdivši da ponuda ponuđača „GAVRANOVIĆ“ d.o.o. Prijedor ne ispunjava uslove koji se tiču tehničke i profesionalne sposobnosti propisane tačkom 3.5. a) i 3.5. b) TD, a kako je to prethodno obrazloženo, ugovorni organ je, u skladu sa odredbom člana 100. stav 3. ZJN BiH, usvojio žalbu izjavljenu od ponuđača „INTER-COM“ d.o.o. Zenica na Odluku o izboru, kojim je za najpovoljnijeg ponuđača u otvorenom postupku javne nabavke opremanje poslovnih prostorija – kancelarijski namještaj izabran ponuđač „GAVRANOVIĆ“ d.o.o. Prijedor.

S obzirom da je utvrđeno da ponuda ponuđača „GAVRANOVIĆ“ d.o.o. Prijedor ne ispunjava zahtjeve iz TD, kako je to prethodno obrazloženo, odlučeno je u skladu sa odredbom člana 68. stav 4. tačka i) ZJN BiH kojom je propisano da je ugovorni organ dužan odbaciti zahtjev za

stav 4. tačka i) ZJN BiH kojom je propisano da je ugovorni organ dužan odbaciti zahtjev za učešće ili ponudu u slučaju kad ponuda nije potpuna i ne ispunjava zahtjeve iz tenderske dokumentacije.

Kako je stavom II osporene Odluke o izboru ugovorni organ odbacio ponudu ponuđača "INTER-COM" d.o.o. Zenica kao ponudu koja nije potpuna i ne ispunjava zahtjeve iz tenderske dokumentacije, te kako je, postupajući po žalbi ponuđača "INTER-COM" d.o.o. Zenica, ugovorni organ utvrdio da i ponuda ponuđača "GAVRANOVIĆ" d.o.o. Prijedor, takođe nije potpuna i ne ispunjava zahtjeve iz tenderske dokumentacije, to se poništava predmetni otvoreni postupak javne nabavke opremanje poslovnih prostorija – kancelarijskog namještaja, a u skladu sa odredbom člana 69. stav 2. tačka d) ZJN BiH kojom je propisano da je ugovorni organ obavezan da poništi postupak javne nabavke u slučaju kada nijedna od primljenih ponuda nije prihvatljiva.

Shodno svemu navedenom odlučeno ja kao u dispozitivu ove Odluke.

Ova Odluka se ujedno smatra kao obavještenje o rezultatima postupka, a u skladu sa članom 71. Zakona o javnim nabavkama.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 5 (pet) dana od dana prijema iste.

GLAVNI OKRUŽNI JAVNI TUŽILAC
Mladen Mitrović

Dostavljeno:

- a/a
- spis
- ponuđačima